

明代傳記叢刊・綜錄類②
周駿富輯

名山藏列傳
(五)

(明)何喬遠輯

明文書局印行

14774/13

名山藏卷之

晉江何喬遠

撰

臣林記

文苑

高皇帝起猷畝閒少罹孤賤質學無從渡江以後馬上詩書兼操閒作睿思天授神藻泉流雖不同於學士大夫字句之勤勞而其見悟出於臣民之上雄奇超於翰墨之表古質與暢卓偉英傑異矣哉帝王之文矣文皇御製條達宏遠如萬騎千乘馳驟植立於平沙大漠之中而仁宗有典有則模範雅訓不啻學士宣宗神敏兼賦下筆立成自亦以爲會心英憲孝

宗並體元黃屋流情縑素世宗中興藩服淹貫經史
傑作奇思遠繼高帝臣愚無知以爲高帝世宗之文
典謨盤誥兼具依稀而成祖列聖湯武殷宗良足次
也高帝雖以文章雄視上古至其授旨臣下但取明
達無貴棘艱一時翰墨知遇之臣無過宋濂學士濂
遠沿元季靡縉之遺習近承聖主不棘不艱之明旨
蔚然而森列浩乎其平夷不亦宜乎方孝孺道法政
治寄於文詞列在頑臣不暇次載大學士楊士奇臺
閣之體當世所推良以朝廷之上但取敷通小繇揆
端之務未遑該洽相沿百餘年間有依經之儒而無

擅場之作漸使然也孝廟之時政浹道熙其時百官
委蛇公朝入則振佩出則鳴珂莫不酒食相聚計訂
文史朋講羣咏時則李夢陽崛起北地何大復並起
汴中蔚然左馬之業而李東陽以先輩白眉兼任黃
扉汲引英流究極華賁李何二子遂褰然名一代矣
延及正嘉其風未泯唐順之王慎中名於嘉靖之初
或規摹於蘇氏或體裁乎歐曾乃有歷下李攀龍吳
郡王世貞振而大之二子者擗管則橫睨乎當世登
壇則相遇於中原駿聲並馳高名獨盛但按其所作
亦有可述攀龍自前漢先秦邇而上窺雜取詰詞貫

珠駢玉法則匠心言終芻狗時專長乎塵塵未狼藉
乎郁郁者也王世貞武庫之儲河湧川流蕩蕩浩浩
卽有穠冶之世情尚未根源於道德稽之於經似或
遠焉嗟乎文章一途其理則已盡於天地之間其法
則已極乎今古之變惟夫深造以道富有日新擬議
成之斯其根抵自非庸德庸言禮樂先進烏能彬質
有其文詞者哉今具列文苑詩賦之家並亦綴屬

郭 傳 林 鴻 孫 蕢 聶大年

張 弼

郭傳字文遠會稽人洪武七年太祖御武樓賜學士

宋濂坐從客問曰天下雖定朕猶垂意宿學之士卿
知其人乎濂對曰會稽有郭傳者學有淵源其文雄
贍新麗而精魄焜煌論議崇鉉根據六經波瀾相推
若不知其所窮一代奇才也上領之未幾復召濂曰
郭傳之文卿可持至濂因持其文以進上覽已笑曰
誠如卿言會丞相暨御史大夫來朝命內使出示之
且褒嘉至再卽日召見謹身殿奏對稱旨詔授應奉
翰林文字自是日侍左右備顧問賜予便蕃每命題
撰著輒加賞賚已陞脩起居注遷考功丞

林鴻字子羽福清人洪武中薦辟試龍池孤鴈二詩

稱旨授將樂訓導官終膳部郎中與閩縣周玄鄭定

候官黃玄王褒唐泰長樂高揀圭恭陳亮永福王僈

僈見宋樂臣林號閩中十才子周玄字微之黃玄字玄之鴻

門生也號二玄晉陵舍人浦源有詩名特來謁鴻

使二玄見之鴻讀所爲詩驚歎曰此我家詩也避所

居舍之源名日益重周玄任祠部尚書郎黃玄泉州

府學訓導鄭定字孟宣善擊劍工書篆隸書陳友定

辟爲記室友定敗亡交廣間已入長樂居之洪武中

舉明經爲延平府訓導末年爲齊府紀善永樂中遷

國子助教王褒字中美永樂中以永豐知縣朝京師

貞修高廟寶錄陞翰林修撰修永樂大典爲總裁官
成祖每禎祥令節輒命從臣賦詩親第高下張元
應制稱旨改漢府紀善唐泰字亨仲淇武中進士官
陝西按察副使高廷禮初名棟字彥恢自號漫士舉
樂初與王恭皆自布衣召授翰林待詔遷爲典籍博
學能文工書畫事親孝謹與人交無賢愚新故益然
若一其所選唐詩品彙唐詩正聲具有倫鑒行於世
王恭字安仲家貧樵鄒山中自號皆由樵者永樂東
以修永樂大典強起至京師年六十餘卒同鄉王爾
戲謂曰君無以會稽章綬故來耶恭曰山中耕種

自無恙大典成試詩高第授翰林典籍不就廬陵解
縉稱其布衣蕭然不慕榮寵強然後起若朝陽之鳳
陳亮字景明元儒生也二祖皇帝累詔不出曰唐堯
在上下有箕穎作讀陳搏傳以見志其後閩中能詩
有布衣傳汝舟高澱金正德中人

孫黃字仲衍南海人才美絕人爲文操筆立就負節
槩不妄交游耕夫販夫望而目之曰孫先生元季避
亂山澤與邑人王佐結詩社于南園開抗風軒以延
一時名士一時士如趙介李德黃哲別駕黃楚金徵
士蔡養晦黃希貢長史黃希文架閣蒲子文進士黃

原善趙安中安中弟通判澄徵士訥相與豪吟劇飲
更唱迭和而蕢與佐介德哲尤磊落狂斐稱五先生
洪武改元征南將軍廖永忠下廣東東莞何真求蕢
作書歸附曲盡誠款永忠以是不戮一人尋徵蕢典
郡教洪武三年詔天下設科取士蕢首舉于鄉至京
授工部織染局使尋出爲虹縣主簿加意勞來兵燹
之後民以還業一歲被選爲翰林典籍學士宋濂樂
韶鳳承旨詹同亟稱之日侍上左右奏對便敏容觀
飄逸濂輩皆自以爲莫及也居三載求出爲平原簿
無何以事逮繫有旨輸校操版築之役蕢謳吟爲粵

聲督工者聞上召至今陳所爲詩皆忠愛語命釋之
十一年罷歸田里放迹雲林益肆力學問有輕死生
齊物我之意久之召爲蘇州府經歷又久之以事謫
戍遼東竟以黨禍見殺臨刑歌詩一章天下冤焉門
人同邑黎貞者亦奇士時益在戍奉萱樞葬平安山
之陽典衣營其事爲文泣祭之番禺趙絢稱贊究極
天人性命之理濂洛關閩之學爲嶺表儒宗嶺表人
至今有文學皆自黃倡之
黃大年字大年臨川人一日重瞳顏悟卓絕日記數
千言善屬文工詩書得李北海筆法宣德末繇經明

行修薦叔仁和縣學訓導改常州府學再陞仁和教
諭士以不轉樹大年門下爲憾其詩多爲諸公稱賞
而葉文盛直謂匠畫年來作者絕唱也吏部尚書王
直嘗以詩寄錢塘戴文進索畫且自序昔與文進交
時常戲作一聯臣擬廿年而始成之大年題其後曰
公愛文進之畫每爾不忘也使以是心待天下賢
士天下寧復有遺才藏齋稍聞直景泰六年諸公薦
執事與吏事徵詣翰林困於譏謗臥病逆旅自度不
起擬詞可直相鏡中白髮難饒我湖上青山欲待誰
禾里檢入發棠墓百年公論蓋棺遲直得詩泣下曰

大年欲吾銘其墓耳明年而大年卒

張弼字汝弼華亭人登成化羅倫榜進士倫謫官弼慷慨作詩送之授兵部主事轉員外郎出爲南安知府弼博學工詩文尤雄於草書踵門乞書名遍天下而弼恒若不自屑每論古今人是非得失介不容髮敦尚行履風節自好其得科第晚徊翔省署又爲貳佐所蒞政簡且不久處落落而已而益負其有不能居下所治南安兩廣要衝大山長谷亡命嘯聚久爲民患弼悉捕滅之大庾嶺民無他生活爲兩廣商人肩挑轉貨南雄黠民欲奪而專之至樹黨爭命弼爲

立界定博換伐石立碑二郡民竝得有所衣食旣毀
淫祠爲社學表章境內往哲寓賢爲唐張丞相說宋
李丞相綱作祠爲周茂叔作吟風弄月臺爲劉元城
作鐵漢樓鑿梅嶺巖巖以便行人梁橫浦崩湍人無
病涉者去而民祠祀之弼草書神怪捷出備驟風急
雨崩崖墮石之勢狂鋒醉墨流落人間以爲張顛復
出雖海外之國亦知購求而弼自評所能以書不如
詩詩不如文一時謂弼英雄欺人然觀弼之文精鑿
無腐漫之氣詩學陸放翁而肆筆所至時有過之者
亦知弼之不自誣也子弘宜弘至竝舉進士曾孫以

誠萬曆中及第第一

李夢陽

何景明

徐禎卿

邊貢

顧璘

鄭善夫

陳沂

朱應登

康海

王九思

李夢陽字獻吉系出開封扶溝曾祖恩從外舅成慶陽死事邊徼籍慶陽矣而其父正爲周諸王教授夢陽弱冠就河南試不得名以其故籍走之陝則陝士且入塲夢陽向主司太言曰塲未得解元主司試之賦立就收之果發解首連舉進士弘治六年也授戶部主事以次擢郎中始以主事治關用法通商敢格